

محمد حمدى

أبويامات

أشعار بالعامية المصرية

طبعة أولى أغسطس 2018



بطاقة الكتاب

عنوان المؤلف : أبويامات
المؤلف : محمد حمدي
التصنيف : أشعار
رقم الإيداع : 2018-14266
الترقيم الدولي : 978-977-6656-47-5
عدد الصفحات : 100 صفحة
رقم الإصدار الداخلي: 35
تصميم الغلاف : الشاعر محمد حمدي
الإخراج الفني : الشاعر محمد الساعي

جميع حقوق الطبع والنشر محفوظة للشاعر، ولا يحق لأي دار نشر طبع
ونشر وتوزيع الكتاب إلا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة
ناجى عبد المنعم



رخصة مزاولة مهنة: 58365 - سجل تجاري: - 2017 / 13242 - بطاقة ضريبية: 35-01-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 تليفاكس: 020554372901
[alnilwaalfourat](https://www.facebook.com/alnilwaalfourat) alnilwaalfourat@gmail.com
المقر الرئيسي: ج.م.ع محافظة الشرقية - العاشر من رمضان - مجاورة 13 - أمام سنتر الـ13 - قمار 304

الإهداء

إلى أبي
الذي منحني نبضة الحياة
وضخ في شرياني دمه
فتنفسته قبل أن اتنفس الهواء

إلى أبي
الذي علمني معنى الحياة
وأرشدني في كل خطوة أخطوها
إليك يا من رحلت وتركتني نصف روح
أهدي لك باقي روحي في كلماتي تلك
لعلّي بها أستطيع التعبير عن مدى
افتقادي وحاجتي إليك

محمد حمدي

قبل أول قصيدة

مثلث الهبة والموهبة والإرادة إشكالية قتلها الفلاسفة والباحثون بحثًا وانتهوا إلى حقيقة واحدة " كل إنسان يُخلق ومعه الهبة التي تتجسد في الشكل والجسم ويُمنح المبدع الموهبة التي تميزه عن غيره ثم يضيف هو الضلع الثالث الإرادة ليكتمل المثلث

والشاعر محمد حمدي دلى وبرهن على هذا التطور من خلال كتابه (أبويا مات) فتعامل مع الموهبة ليقدم لنا كتابه الرائع وبالإرادة استطاع أن يلوى عنان اللفظة ويوظفها كيفما شاء في كل مواضع الكتاب مستخدما أدواته من لفظة وموسيقى خارجية وداخلية وصور شعرية بسيطة ومركبة واختيار موضوعاته بدقة متناهية حتى أنه يبني النص الشعري على لفظة واحدة قد تتصاعد فيما بعد إلى قضية كبيرة وإشكالية أكبر يدفعنا دفعا للتواصل معه ايجابيا وفي النهاية نقدم كتابا قيما للمكتبة العربية

الشاعر الناقد

ناجى عبد المنعم

أبويأ مات

فات اللي فات
باقي اللي باقي
وانا لما شوفتك وقتها
مكانش بييجي ف بالي
ان دا اخر تلاقي
فات اللي فات
و فلحظة عمّ عالكون
السكّات
جاتلي الرساله ف كلمتين
بيقولولي
"أبويأ مات"
أبويأ مات
وساعتها كُنت لوحدي
ف بلاد متعرفنيش
الكون بحالُه وقف
والوقت مبيمشيش
لحظة ماشوفت الخبر
مكانش شيء حواليا
ف عنيا مببيكيش
لكن ببيكي من سكّات

ابويا مات
أبويا مِ الليلة ف بيت الحق
وعند الحق ضيفه
ومِ الليلة
مش هسمع صوته تاني
ومش هقابله
ومش هشوفه
قالولي كان تعبان
واوعاك تحزن عشان
ده ارتاح من شدته
ربه اللي خلفه كتبه
من وجعه راحتته ورحمته
مرض خبيث فيه انتشر
ارتاح وساب دنيا البشر
وسابلي بس منه ملامحه
هتفضل ساكنه فيا
وكام هدمه من ريحته
ودعوة حلوه
دعاها ليا
وذكرياته معايا
ف طول العمر اللي فات
أبويا مات
يارب راضي

ومش ف ايدي الاعتراض
الموت حقيقة أكيدة
ماهوش احتمال ولا افتراض
وعارف ان أبويا أمانه
وصاحبها شاء .. ف ردها
بس اللي راح
كان غالي عندي أوي
والصدمة انا مُش قدّها
يارب بدعيّله ترحمه
يارب وعالفراق قدرني
مفيش معايا حدّ
غيرك يصبرني
قاعد لوحدي بفتكر له
ف كل حاجة حلوة
أنا عشتها وياه
شايِل هموم بعده
ويوم رجوعي لَمّا
هادخل عليه .. مالقاه
يابويا ابنك تاه
هاتحمل ازاي اللي جاي
وانا بنتهي
من بعد ماجاني الخبر
ب يادوب ساعات

أبويا مات
هفضل يا بويا
مهما طال العمر فاكرك
هبقا امتدادك
وحتى ف بعادك
هعمل حساب خاطرک
هصلي وادعيلک
تكون ف الجنة متهني
هعيش بحُبک ليا
وبحُبي ليک
ولحد يوم أقايا بيک
صابر ومستتي
وهاصلي وادعيلک
تكون ف الجنة متهني
يارب
بحق جاه حبيبک النبي
تسامحه
على أي ذنب فِ اللي فات
ابويا مات
ساعة الوداع
لقيت نور الشمس
فجأة ضعيف وخافت
حسيت بقلبي خاف وعيني

بين دموعي اتدارت وخافت
حتى روعي رافضة
انها تصدق
ان السنين بيني وبين ابويا
هتفرّق
و ف الوداع
كل احساسى باني على قيد الحياه
من جوايا ضاع
حسيت كإن الكون بحاله
فجأة مات
لما قالوا عن أبويا
إنه مات
أبويا مات
وبقيت يابويا خلاص
عايش هنا بدونك
وانت هناك بقيت لوحديك
بدون اخواتي وبدوني
الناس جاينين يابويا
فيك انت يعزوني؟!
ويصبروني
بطبطة مع دمعتين
ويفكرونى بكلام ربنا
ويقرولي م القرآن آيات



ودموعي تكتم جوايا الآهات
وانا برضه لسه مش مصدق
إن ...
أبويا مات

حياة مدرسة

احنا ف حياة مدرسة
كبيرة من غير سور
اخرها حفرة و تراب
مهما نعيش ف قصور
على ادا ما بنتعلم
لازم اكيد نتألم
والحزن مهما يعلم
ف ادينا تلقى النور
دا حنا ف حياة مدرسة
لكنها بدون سور
اقبل وعيش و ارضى
دا غيرك حلمه يبقا مكانك
ارمي الحمول ياللي
عشت شايل الهم
ادعي لروحك مين !!
ف يوم هايدعي عشانك
مهما الحمول بتزيد
مسيرها يوم تتلم
غيرك في ناس بيبكوا



من وجعهم دم
ياللي زعلت وناسي
إن انت كدا كسبان
ربك كبير وقريب
وعنده علم الغيب
لوكنت تعرف أنك
ف مرة راح تتخان
وزعلت من جواك
يبقا انت فيك العيب
دي النخوة اغلى
من اعز حبيب
رُد الجميل و اوعاك
تكون ف يوم ناكر
دا ابن الاصول
على طول لوحدہ بيان
انسى اللي ليك لكن
دايما تكون فاكر
اللي عليك لازم
ف يوم ترده عشان
تبقا فقير عادي
ومايقولوش دا جبان
و اوعاك ف يوم تغدر
دا الدنيا دواره

ولو حد يوم خانك
ماتمدلوش ايدك
ابعد عن الخاين
ماتقولش دي خسارة
واشطب اوام اسمه
من كشف مواعيدك
قلبك يشيل همك
عقلك يكون سيدك
حاول من قلبك تضحك
ودايما خليك عارف
فكر نفسك بس بربك
وافتح بالخير للخير قلبك
بات مظلوم مش ظالم خاين
او غدار او خايف
ربك رب قلوب ومابينهم
قلب تحبه وهو يحبك
داوي بروحك كل جروحك
وارسم بالنور للنور حبك
اعشق حب و او عد لكن
لازم توفي بصدق بوعدك
وكل اللي انت عملته امبارح
مهما يعدي ويبعد عنك استناه
الايام دي ديون ولا بد ف يوم تترد

واللي زرعته ف عمرك
لازم يوم تلقاه
ذنبك جنبك عمره ماينسى
حتى لو انت اللي بتنساه
اتألم واخسر بس ارجع قوم
ماتسيبش الدنيا تهديك يوم
عامل احزانك ك الكوابيس
لازم تخلص وتقوم م النوم
وبضحكك ع الحزن تداري
اعمل ضحكك

شيء اجباري
ياللي ورثت المرار
ومن الشقا طبعك
كمل وعافر و او عاك
تقع ف يوم وتطاطي
شق الكفوف دا شرف
مرسوم على صوابك
و رزق الحلال متعه
وبركة من العاطي
واللي لقا بدون شقا
طبعه يكون واطي
وافتكرو مين
اللي ف شدتك ودك

ومين ف وقت المصلحه
تلاقية معاك
واللي يحبك
عمره ف يوم ما يهدك
اما الجبان وقت احتياجك
هو اوام ينسأك
سيب اللي سابك يوم
واستنى اللي يستناك
احنا ف حياة مدرسة
لكنها بدون سور
اخرها حفرة تراب
مهما نعيش ف قصور
على اد ما بنتعلم
لازم اكيد نتألم
والحزن مهما يعلم
بادينا نلقى النور
احنا ف حياة مدرسة
كبيرة من غير سور

معلش مافيش

ليه برضه الرد عليا مازال
معلش .. # مفيش
ليه كل ما يطلب شيء ليا
م الناس او حتى من الدنيا
بيكون طلبي قصادي ولكن
مع ناس تانية
وسؤال معتاد
هتبطل امتي الدنيا عناد
وتبطل امتي تقولي مافيش
طب دانا بتغير والله
وبعدت عن السكة اياها
هتحنّي وترضي عليا بقا
ولا هترميني ف متاهه
بطلت اسهر ويا صحابي
او برة البيت لو ليلة أبات
بطلت بنات
وبطلت أماكن مشبوهة
وبطلت حاجات
وحاجات وحاجات

رغم ان الناس يحبوها
طب والله انا بطلت حشيش
ولو حد سألني على سجارة
بحلف إني بطلت خلاص
وبقول معيش
فياريت الدنيا عليا تحن
قربت اتجن
من كُتر مابتقولي يوماتي
معلش .. مافيش

مين فينا

مين فينا
يادوب عايش لانه
ياعيني لسه ماماتش
ومين حب وحببيه باعه
وف حبه مايتقدرش
ومين ضيع طريقه وتاه
وصوته باينه فيه الاله
ومين مسجون في قلبه النبض
اللي متكتف وماتحررش
ومين فينا مشافش اللحم
وعاش جواه وماتحققش
ومين فينا يادوب عايش
لانه ياعيني لسه ماماتش
ومين فينا
ومين فينا بدال المرة
100 مرة ينام زعلان
ومين فينا ما عاش العمر
يتمنى يكون فرحان
ومين فينا اللي ماتعلمش

ومين ماأساش وماتالمش
ومين حب بكل مافيه ويرضه اتخان
ومين فينا بدال المرة
100 مرة ينام زعلان
ومين ماشفش الدنيا ف عيونه
بلون اسود
وكان نفسه تكون الوان

أنا الكذاب

انا كذاب
كل اللي يسألني عليا
احلف واقول اني بخير
انا عادي ومفيش حاجة فيا
وانا اللي جوايا كتير
انا اللي جوايا كبير
طب هعمل ايه
بضطر اكذب
انا اصلي متعودتش اني
اكون وحيد
طول عمري عيل
ولا بقدر اتحمل بعد اهلي
او اني اكون وحيد
او اكون بعيد
الغربة دي وردة بلاستيك
الوانها حلوة بدون معنى
نحلم ف يوم نوصل ليها
ولا حاجة منها ترجعنا
ولما يبعد وبهاجر

الغربة وقتها تحلالي
فرحان بكلمة انا مسافر
اتاريها ناوية وشايلالي
وبعد فترة والثانية
يبدأ حنيني يأنبني
واحلم بساعه ولو ثانية
مع امي او اخويا او ابني
محبوس ف انترنت وكاميرا
وسنين بتجري ولا انا شايف
الدمعه محبوسه ومرة
انا نفسي ارجع مش عارف
واكذب واقول ان انا عادي
واضحك واهزر واهيس
وانا حلمي ابوس ارض بلادي
دا محدش ف الغربية كويس
سامحيني يامه ان انا سيبتك
وف وقت تعبك مش موجود
والله مانا لاقى ف طبيبتك
ياما نفسي بين احضانك اعود
وحبيبتى اللي انا غايب عنها
يا ما نفسي ارجع اعوضها
عن صبرها وعن حرمانها
و ف حضني طول عمري اخدها

إِتْعُودَت

انا اتعودت على وجودكم
حقيقي فرحت بفرحكم
وكنت معاكوا شيء تاني
طموحي ملاني
وحبي ليكو خلاني
أغير كل شيء فيا
عشانكم
كل شيء ليا
ومهما ابعد وعنك اغيب
ماهتهونوا ف لحظة عليا
ورغم الغربة والمسافات
باقيلكو جوة قلبي حاجات
لا يمكن حاجه تمحيها
ولما اتعب وعيني تنام
ذكراكم ف عز النوم
تصحيها
انا باقي
ولو حتى مانيش لاقى
على بعادكم

بدیل عنکم
یصبرنی
ولکن وحده رب الکن
یقدرنی
ویبیا تانی
یجمعکم
لانی تعبت
لما بعدت

..
مانا اتعودت
علی وجودکم
وحقیقی فرحت
بفرحکم

تحضير الجن

ملكوش غير النصيحة .. وبعديها اتصرفو
تحضير الجن سهل .. الصعب نصرفو
هتلومو .. لومو روحكو
اختارتو اللي جارحكو
متجوش تبكولي لما
بدمو عكم تنزفو
ملكوش غير النصيحة .. وبعديها اتصرفو
تحضير الجن سهل .. الصعب نرصفو
اختارتو اللي يبيع
وسبتو اللي عليكو باقي
ما الغالي لما يرخص
غير الرخيص مانلاقي

وبعد ما نختار بإيدنا
اللي بيحي علينا
بادينا نارنا ايدنا
ولا خافو يوم علينا
بنجيب العيب ف غيرنا
نرجع ونقول نصيب
ولو كنا راجعنا روحنا
كنا اختارنا نسيب
كان لازم يوم هنندم
على سوء الإختيار
لكن هايفيد بايه
واحنا عايشين ف نار
لا ف يوم الدنيا وقفت
على خاين باع ضميره
ولا شوفنا ف مرة طير
مات لما سابه طيره
الحق حق مهما
حاولنا نحرفو
ملكوش غير النصيحة .. و بعديها اتصرفو
تحضير الجن سهل .. الصعب نصرفو

الآشيه فُلْ

شايِل هموم
والفكر بقا ساكن ملامحك
وغير ف شكك
سايب مشاكلك
للزمان مع الزمان يحلها
وداير على صحابك
ف مشاكلهم تحل
و ف عز مانت ف ازمتك
بتقول رضا والقاشية فُلْ
بقا كله عارف ان خيرك
من حظ غيرك
زاهد حياتك

عمرک بیجری
القطر فاتک
وتقول دا قدری
بتشیل ف هم
والهم تقل خطوتک
و ف عز قسوة رحلتک
دایما تقول .. لا مش مهم
بس الأهم
کل ال حوالیا یعیشوا ف برضا
طب وانت
انا ؟

انا خلاص عمري انقضی
وکفاية اعیش وانا مرتاح ضمیری
ورضمیری یرتاح لما اکون
سبب السعادة لحد غیري
بس انت نفسک لیها برضه حقوق علیک
ازای تهون نفسک علیک
وترد شعرا او قانون
وتقول والله فرحتي
ف فرحة اللی بحبهم

وكفاية احس بحبهم
.. مين ف الزمان دا لسه بيحس كدا
مين ال فيه الخير يادنيا بالشكل دا
..وبقيناستغرب من اللي يكون أصيل
والعادي بل والمنطقي
ناخد كتير .. ندي قليل
يادنيا ظالمة
نهارها ليل
يا خلق حسوا ببعضكوا
ردوا الحقوق لأهلها
صحوا القلوب
من جهلها
صدقوني الدنيا زائلة
ومهما طالت
مفيهاش خلود
ولا بالفلوس
ولا بالمحايلة
فُصر الكلام
ع الدنيا والناس والضمير
يلا السلام

يلا سلام

اعتصموا

فرح الأحبة كان جميل لَمَّا
نبقا ف هنا كلنا ولمَّة
جوة الحاجات كان فيه حاجات
بتحلي طعم الدنيا لما تعاند
وانا قلبي مش جامد
مش حمل صدمة
قلبي شبع صدمات
و القلب زي الكلب
مخلص ولقمة بتكفيه
او طبطبة
او بصة حلوة حنينة
من حد غالي عليه

بزيادة تيجوا عليه
الحرز عشش ف الملامح
والعيون بتان
الشيب صبح ملهوش علاقة
بالسنين والسن
والزمان عمره ماكان السبب
ف الفرقة والمحنة
العيب دا فينا احنا
والله يا جماعة
فبلاش نعلق جحودنا وقسوة قلوبنا
ع الزمان
ونعمله شماعه
الفرقة ضعف
ووجعها غير أي وجع تاني
ويبقا بينا ليه واحد مننا اناني
اللمة .. جاه
والوحده .. آه
وزي ما اتعلمنا من ديننا
"اعتصموا بحبل الله"

ما تهيبش

أبويا قالي :

ماتهبش حد

و اوعى لسانك بغير الحق

يتكلم

لو مهما كان اللي في يوم هتشوفه

او مهما كنت بعد قولة الحق

هنتألم

قول للخسيس يا خسيس

قول للرخيص يا رخيص

افضح جنون العاشقين

قول اللي مش قادر لسانهم

يوم يقوله

العمر يتقاس بحاجات كتيرة

مش بطوله
اكسر بقوة كل صمت
كان ف يوم ساجنك
او كان عليك حاكم
وهيجرى ايه
ايه؟
هتتحاكم !
لسه القانون مفيهوش للفضضة تهمة
واحنا مابين الكذب والتمثيل
والغش والتضليل
ضعنا وخلص .. توهنا
بتحب؟
قول
وسيب النصيب ياخذ قرار
وانت عليك تختار
وطول ما نيتك صافية
كلمة .. يارب كافية
وربك كريم وعظيم
ولكل شيء مقدار
امسك ف حلمك ومتسيبش حاجة تهدمه

ضِلِ الظروفِ عَفْرِيَتِ واسمِه الخوفِ
وانت بايديك تقدر عليه
تعدمه

طول ما الطموح والروح
بيسروا جوة منك
ماتخافش يوم غير م اللي خلقك
ثم منك

انت الملاك
وانت الشيطان
وانت اللي بيك
وانت اللي ليك
اتعملت الاوطان
انت الكيان
انت المكان

انتي اللي اسمك
عالورق مكتوب
وعشانه عملوا
خانة المهنة
و وراها خانة العنوان
انت اللي ممكن يوم عشانك

تقوم حروب
وتعيش قلوب
وتموت قلوب
انت الحلال وانت الحرام
وانت اللي ف اديك القرار
انك ف لحظة تتوب
والدنيا توب
وانت يادوب قادر - على تفصيله
وتعمله مقاسك
وتخلي تفاصيلك - على أد تفاصيله

خلاص يعني

خلاص يعني
طلعتي بتعرفي تخوني
طلعتي بتوعدي وتنسي
مشيتي خلاص .. نسييني
قدرتي ازاي وسببيني
ومعقولة
محيتي ذكرياتنا الأولى
ويوم ماحلقتي
إني بقيتك العالم
بقيتك كونك
ساعتها بيكي انا حسيت
وحسيت كل مافيكي
بضعفك

وخوفك
وبجنونك
وبكسوفك
ياريت عقلك يفكر تاني
ياريت قلبك دا يسمعي
خلاص يعني
طب اعمل ايه انا الوقتي
وانا بتمنى .. لو اقدر بس
أجيلك تاني واشوفك
خلاص عادي
أكون الوقتي مع غيرك
وسهلة عليكي إن انتي
تكوني ف إيد راجل غيري
خلاص يعني
مش هتحنني وتغيري
مش هتقول لي ليا أرجع !!
ونظرة شوق ترجعني
خلاص يعني
طب اعمل ايه انا الوقتي
أنا قلبي بيوجعني

روحي نامي

طول عمري شاطر

بس خايب

طب مانتى عارفة

وبعنيكى الحلوة دول

شاهدة وشايفة

طول عمري بسعى

ف كل سكة وكل مسعى

وانا كل ماسعى

صحيح بكسب وباكل شهد

ومع كل لحسة انا دوقتها

انا كنت باخد وقتها

100 ألف لسعه

بتلومي ليه فيا

وتجيبني فيا العيب
وانا يعني اقوى من النصيب
دانا عمري كله عدى مني
غصب عني وفات
واهي ذكريات على ذكريات
على ذكريات
وان قولت يوم هفرح
ملاقيش لقلبي ف الأمل مطرح
وبقيت يادوب
علشان احقق أي شيء انا نفسي فيه
أنام وفيه أسرح
لو بس كنتي بتفهميني
او بيوصلك كلامي
طب دانتي حتى
رافضة انك تسمعيني
الو الو الو الو
طب روعي نامي

أقول تاني إيه ؟

اول ماعيني شافتها
ف ساعتها
لقتني عشقتها
ياناس دي عيونها
يادوب نظرة منها
بدوخ ف وقتها
مشوفتش جمالها
ولو غيري قالها
بقلبي انا اقولتها
امانة قولولها
اني بحلم اطولها
وانول ودها
نسيت اللي شوفته

وعشقتة وعرفته
من بعد ماشوفتها
زي الجمال دا مشوفتش أنا
ولا عيني يوم
جات عليه
يا صحرا وتاه فيها عقلي
بجمال العيون دي وقلبي
جنيتي عليه
دانا لو ف ايدي اجي لرمشك
وابيع عمري ليه
ايه اللي ممكن ابيعه انوك
وانا اضحي بيه
ناديني بعنيكي تلاقيني ف اديكي
..
واقول تاني اي؟؟

الصراحة

اتفقنا ع الصراحة
واول حاجة اقولها لك
لقيت الشك ملا قلبك
ورحتي لبعيد بخيالك
لحقت نفسي
وقلت اداري اي حاجة
كنت ناوي اقولها لك
لحد ماقدر اغيرلك
مفهوم الحب اللي ف بالك
خلي الامور تمشي ببساطة
يا حبيبتي اكثر من كدة
علشان هانتعب
لو فضلت حياتنا

ماشية بالشكل دة
بخاف اقول بحبك
تقليبها زعلة
وينتهي كلامنا بخصام
وكل كلمه
بقولها ليكي
بالحساب وبالملام
سيبي نفسك
ماتخافيش
لازم نحب
عشان نعيش
ده الحب هو
احلى معنى للحياه
وغيرنا ياما
عاش ومات
يتمنى لو كان يوم لقاها
كان عاش في راحه
واتفقنا ع الصراحه

مش هاستنى

انا مش هاستنى تاني
من الليلة انت عشاني
ماهو مش معقولة
هاضحي بحب
إستنيته سنين
ياللي انت خدت
روحي انا مني
معاك قلبي
اوعى تبعد عني
ف بعدك ثانية بنسى الدنيا
فماتسيبنيش اعاني
وانا مش هاستنى تاني
من الليلة انت عشاني

ماهو مش معقولة
هاضحي بحب
إستنيته سنين
انا مش هاستنى تاني
من الليلة انت عشاني
ماهو مش معقولة
هاضحي بحب
إستنيته سنين
قبلك انت معرفش
انا كنت عايش ليه
وقابلتك انت فعشقت
الكون علشانك فيه
ابدأها معايا أحلى حكاية
انا قلبي عليك رماني
فانا مش هاستنى تاني
من بكرة انت عشاني
ماهو مش معقولة
هاضحي بحب
إستنيته سنين
انا مش هاستنى تاني

من الليلة انت عشاني
ماهو مش معقولة
هاضحي بحب
إستنيته سنين

فايل

فايل ع اللاب بتاعي
مليان اوي
مليان حاجات
اشي فيه صور
واشي ذكريات
واول محادثه كانت بينا
انا لسه شايلها
وبفكر بيها اللي فات
هاي ممكن اتعرف
انا اتشرف
وضحك وقلش وهزار
وغيره وحرقة ونار
وخلاف وخلافات

دا فايل ع اللاب بتاعي

مليان اوي

مليان حاجات

وانتي بتشكيلي مني

وانا بحكيك عليكي

ووانتي بتقولي اني

بقيت كل اللي ليكي

ولما قولتيلي انك

هاتكوني انتي اللي ليا

ولا ابعد مرة عنك

ولا تغيبني عليا

وفي النهايا برضه

بعدنا من سكات

فايل

ع اللاب بتاعي

مليان اوي مليان حاجات

صورك قبل الحجاب

وقبل عليكي ماغير

ومباركة الصحاب

بالطرحه والتغيير

والدبلة والخطوبة
وهانبي طوبة طوبة
وادينا اهو بنينا
مابيننا سد عالي
ومنغير صوتك هابات
فايل عاللاب بتاعي
مليان اوي
مليان حاجات
هههههههههههههههههههههه
فاكره صورتك وصورتي
واحنا عاملين عيال
انا مطلع لساني
وانتي حولة عنيكى
وحالك كان شكله حال
كانت لحظات جميله
واحساسنا كان بريء
ف وسط الرحلة الطويلة
توهنا عن الطريق
واتغيرت العادات
فايل ع اللاب

بتاعي
مليان اوي
مليان حاجات

بسم الإله

هي ايه الحكمة
إن فيه جنبه ونار
وليه ضروري الانتظار
والأمر ليه
ماهوش اختيار
والعلة ايه من تحريم الانتحار
وازاي اعيش العمر كله ف الذنوب
وكم ان اموت
وانا ملحقتش أتوب
لسه عندي كمان سؤال
ليه الحرام دايمًا
طعمه أحلى من الحلال
لأ و أسهل

لأ و أوفر
احنا كدا بنستسهل؟
لا دا احنا كدا قربنا نكفر
كل شيء ف الدنيا دي
مخلوق بحكمة
واحنا ما علينا غير
اننا نأمن و نرضى
حد فين ضامن عمره امتى هاينتهي
او حتى إنه يعيش لبكره
الحكاية كلها تتلخص ف كلمتين
وف فكره
التوحيد .. الإيمان
وفكرة ان الكون بحاله
مخلوق عشانا
ليه بقا نعيشها بعشمانا
ليه منحسبهاش بالقلوب
قبل العقول
واللي مش فاهم
يقول
مين اللي قال

ان السؤال
دليل على ضعف الإيمان
أو إنه جهل
والله دي

فلان

اللي ف عيلتي اعرفهم
مايتعدوش عالاید والواحد
لا بيشوفوني ولا بشوفهم
والاسم الاخر عيلة واحده
فلان

يريد ان يكون صديقك
وفلان ده اصلا ابن عمي
من دمه وهو من دمي
والاقي فلانه بتتجوز
وكم ان بتخلف
وعيالها انا اصلا خال ليهم
والله ما يخرف

لابشوفهم ولا بعرف شئ عنهم
غير ممكن اقرا اساميهم
واتفاجيء بعيلة كبيرة
وقرايب واعمام وخلان
واسمع حكايات تاني كتيرة
من ابويا ومن امي كمان
طب ليه الدنيا واخدانا
للدرجادي بعيد عن بعض
دانا عايش وكاني غريب
وماليش ف الدنيا ولا حد
ايه يعني لو يوم نتلقى
ونتجمع كده زي الناس
نلعب مع بعض ونتشاقى
ونعوض اجمل احساس
انا ليا صحاب ومايتعدوش
لكن مين فيهم على اسمي
مين فيهم شبهى وانا اشبهله
وملامحه وجسمه شبه جسمي
ده رسولنا وصانا كتير
نوصل ارحامنا ونتقابل

انا بحلم مش حلم كبير
باخواتي واهلي اني اتقابل
نفسي احس بعزوة وعيله
مش ناس بعرفهم بالصدفه
هاتكون دنيا بجد جميله
لما نحس بود وألفه
ود
وألفه

طلب صداقه

طلب صداقه
وشوية ضحك وهزار
وفصاحه وكلام بطلاقه
وفضايح وكلام اسرار
ما الفيس بوك دا زي القهوة
زي الشارع
زي النادي
صدفة حلوة عليك تنادي
ولا وحشة كله عادي
بتقابل وتفارق ناس
واحيانا
ياخذك احساس
مرة بيطلع

احساس صادق
ومرة يكون
كداب ومنافق
الفيس بوك
دنيا تانية
جوة دنيا
عايشين فيها
فيه لقا
وفراق ف ثانية
وحاجات
مايصحش نحكيها

مخاصمني

زعلان بجد من نفسي
من كتر ما باجي على نفسي
من كتر ما قليت من قيمتي
لحد ما تكسرت نفسي
زعلان بجد انا من نفسي
وبجد انا مش فاهمني
ومخاصمني
انا مخاصمني
اقول اصبر اقول جرب
اقول عدي واقول عادي
سنين بتضيع من عمري
وانا صابر .. و انا راضي
ماهو جايز نهاية صبري

راحة بال
ومكتوبلي ف يوم فرحة
وبيها تتعدل الاحوال
اتاري ده كله
كان او هام وعالفاضي
وصبري كان غباء مني
مخاصمني

إفرد وشك

ومهما يطول عليا المر
هايجي اليوم اكيد و يمر
دا كل ال ابتدا بيخلص
بحلوه و مره
حتى العمر
افرد وشك
زعلك مش هياخر ولا هايقدم
افرد وشك
بالتكشيرة عمرك ما هتتقدم
ال يوم مبقاش عليك
وال عمره ماكان شاريك
انت ليه تبقى عليه
بالرخيص بيعه واو عاك تشتريه

ابعد نفسك يلا بنفسك
عن كل ال يخون ويغشك
افرد وشك
الحياة بنعيشها مرة بدون اعادة
فانت ليه تخليها مرة عليك و سادة
خد قرارك .. فاجيء الناس بانتصارك
خليك جريء
ارسم انت بابتسامتك الطريق
اللي كارهك ليه تسيبه
يوم بعيبه يهد عشك
افرد وشك
افرد وشك
زعلك مش هايآخر ولا هيقدم
افرد وشك
بالتكشيرة عمرك يوم ما هتتقدم
ومهما يطول عليا المر
هاييجي اليوم اكيد و يمر
دا كل ال ابتدا بيخلص
بحلوه ومره
حتى العمر

غربل صحابك

غربل صحابك

وامحي اوام اسم اللي مش بيدق بابك

واللي ف مشاكله وف همومه وبس

دايما عامل حسابك

و ف فرحته تلاقية نساك اوام وسابك

واللي ف وقت الشدة مايفكر يعينك

واللي عينه ف دنيتك سابقة عينك

ويحسدك .. و ف كل حاجة معقدك ..

لو مرة شافلك خير

صدقني عنه بيبعدك

وال معطل خطوتك

ويحبطك

وموقفك

معرفة دي هتكتفك
واللي عليك معرفة دي خساره
و ديته هزار وقاعدة فرشة و سجاره
فارقه عشان هيخسرك
ولا عمره يوم هايقدرك
بالعكس دا هيكدرك
واللي يشوفلك خير
ولا يدلك عليه
او عى تبقى عليه

مش حلوه

مش حلوه تحب ف حد
وهو مبيحبكش
وف عز مابتكون محتاجله
مايجيش على نفسه
ف لحظة عشانك
ميحسكش
مش حلوة تبيع الدنيا عشان
تشتري إنسان
مستني يشوف منك غلطة
يرميك بيها ف خانة النسيان
او عاك تغلط غلطة غيرك
ويهون حبك ويهون خيرك
زي مابتهون على ناس تانية

برضه ف ثانية
بيعهم ومتعشب ضميرك
مين عندك اقرب من روحك
مين شالك او داوى جروحك
مين غيرك كان جنبك يوم
ما وقعت وسندك لجل تقوم
فيه ناس مخلوقة عشان تتباع
وفيه ناس بتداوي الأوجاع
وفيه ناس لو ملت ف يوم ليهم
حکم عقلك
القلب اعمى
والعين دائماً حكمها خداع

حبیبتی

حبیبتی سر دفته جوايا
بخاف اقوله لحد فيه يطمع
بحكيلي عنها كل ليلة حكاية
وانام وعيني من الفراق .. تدمع
حبیبتی لیل
حبیبتی نور
حبیبتی
مثل كون مهجور
كل اللي دخله غيري تاه او ضل
عيونها جيش
وانا قلبي راضي إنه بيه يُحتل
قولولي إيه الحل؟؟
حبیبتی

حبيبتي قسوة ف شكل حنية
إنسانة بس ف عشقها جنية
وانا لما قولت بحبها
كان قلبي صافي النيه

حبيبتي

حبيبتي فيها مضاد للنسيان
ولو حتى فاتوا سنين
انا قلبي زي جنين
والحبل سُري و سُري هي عشان
عنيها فيها مضاد للنسيان

حبيبتي

حبيبتي ساكنة مدينة عالساحل
والبحر عالي و عالي مش ساهل
وحتى لو تقسى

ف عنيها ١٠٠ مرسى

ومستحيل هنسى

دي عنيها تستاهل

حبيبتي

ساكنة مدينة عالساحل

حبيبتي

حبيبتي حالة
عشت فيها كثير ولكن
تكرارها من تاني استحالة
حبيبتي حاجة مهمة
بغيب عنها
واجي تاني بكل همه
وغصب عني
ورغم اني
بعدت عنها
والسنين اخدتها مني
زي ما اخدتنى منها
باقية حاجة
حتى لو بدون مُسمى
طب عارفة لما
طفل فجأة ف يوم يتوه
يبقا امله ف حد يوم
عليه يحن
او يضمه
هي دي بكل اختصار
حالتى لما يفوت نهار

وانتي مش ويايا فيه
انتي حلم عشت فيه
وفوقت منه
بس مش عارف ابطل
إني احلم
إني بحلم
ياما فيه حاجات كتير
عاشة فينا بدون وجود
جرحي مهما يكون كبير
ثقتي فيا بدون حدود

تشبه موت

كان قاعد ساكت
ما بينطقش
سرحان ف الدنيا
و ف الملكوت
وف عينه
الدنيا دي ماتنطقش
عايش بلامح تشبه موت
لو قيسنا رضاه
عن كل اللي ف عمره جراه
نلاقيه سالب
مش قصة مغلوب او غالب
القصة
ف ان نتيجة سعيه تملي

واخذه لحالة نكران وسكوت
فيقعد ساكت ومينطقش
ويسرح ف الدنيا
و ف الملكوت

هي دي

هي دي اللي عشانها
انا سبتك انتي
وعلى وجودها جنبي
كنت كتير حريص
هي دي اللي بسببها
عليا هونتي

..

اتاريني بعت الغالي بالرخيص
اعذريني اني كنت
حقيقي خايب
لما بعتك انتي
واشتريتها
كنت بخسر روعي

لما كنت انا فيها دايب
وكسبت نفسي بجد
بخسارتها
كنت فاكرها هتقدر
تعوضني غيابك
بس غابت
بعدك انتي كل راحة
صدقيني قلبي
من ساعة ماسابك
بيعاتبني وبعترف
وبقولها بصراحة

..

بعدك انتي بعيش تعيس
عشاني بعت الغالي بالرخيص

..

هي دي اللي عشانها
انا سيبتك انتي
وعلى وجودها جنبي
كنت كتير حريص
هي دي اللي بسببها

عليا هونتي

اتاريني بعث الغالي بالرخيص

آسف

آسف

ايوة آسف

إني كنت بصدقك

وإني كنت معاكي

خامة للغباء

وإني خُنت نفسي

لما كنت بعشقتك

وإنتي كنتي ف دنيتي

خانة كبرياء

وإني صدقتك ف حلم

وإني حلفت لاحققك

ايوة آسف

إني كنت بصدقك



شوفت فيكي
كل حاجة حلمت بيها
عشت بيكي
دنيا كل الحب فيها
كنت حبيب
بيكي عمري
وعمري يوم
ماخطر ف عقلي
او ف بالي بالي
يجي يوم
وتضحى بيها
نهيتيني
وانا جاي ابدأك
أيوة آسف
إني كنت مصداك



أنا عاوز اتجوز

والنعمه ماكارته اني اجوز
وده عادي على ايه هاتبوز
انا اصلي كبرت
وشايفني ف نظري بقيت راجل
واقدر اتحمل وافتح بيت
وبعون الله
في كلامي هاكون فعلا راجل
واتحمل علشان حببت
مش لازم بقى تعجيز وحاجات
بتخلي الواحد يتعقد
ويادوب يجوز ويكون مات
من كتر ماطلباتكوا تعقد

ايه يعني اجوز ويا امي
ماهي طول عمرها بتشيل همي
هاتقولي اسيبها عشان بنتك
خد بنتك و ف داهية ياعمي
الشبكة ب 20 الف جنيه
ومافيش ولا حاجة واحدة عليه
على ايه ياعم انت وعلى ايه
من قلبي بقولك 100 احيه
وكم ان احيه

Bent Elkab

مش لسه كنتي بتحلفي
ان انتي عاوزاني .. و انك بقيتي بتعشقينني
و بنحكي عن اول مرة لمست انا فيها ايدك
وسكنتي عيني وانا .. سكنت ف وريدك
وحلفتك بان القلب قبل العين .. يريدك
وانك رميتي الماضي
وعايشة ويايا ف .. جديدك
وانك معايا للنهاية طول سنيني
مش لسه كنتي بتسأليني
لما كنت انا سهران عشان .. اقرا ليكي
اخر كلام كتبته فيكي
وحلفتك ولا كنتي راضية تصدقي

ان كل حرف من حروفي ..
مكتوب عشانك انتي .. وليكي
وبتقوليلي
ازاي بتكتب؟؟ وامتى وانت
طول اليوم معايا !!
طب ماتقوليلي انتي ازاي .. شغلتي البال
واحتليتيني ف أرضي .. وسكنتي ف سمايا
وازاي بقيتي ف الخيال .. وحدك
ازاي بقيت احلم بانى بخطفك .. واخذك
ازاي بقيت .. بالشكل دا عليكى .. بقيت
وانتي اللي رافضة حتى
ترفضي الماضي عشاني .. وناسياني
هترجعيني ازاي لروحي
بعد ماكتبتك انتي ف دنيتي .. عنواني
والله انا بعاني

..

دانا كنت بتلكك يوماتي بأي شيء
عشان اقابلك
ويرغم كل مشاكلي
ومشاكلك

واللي أثرها بان
على شكلي
وعلى شكلك
كنتي انتي قابلاني
و قابلك
وانا كنت بتلكك يوماتي بأي شيء علشان
اقابلك
وسكنت قلبك
وسكنتي فيا .. بس بيا .. لسه مبترضيش
قوليلي بعدك انتي ازاي اكمل
وليه أعيش؟؟

..

بتخيريني
بين وجودك
واني اسيب للماضي حنة
من حدودك
والله لو ف البعد عنك ميت مليون وجع
او إني موت
انا عندي اموت ..
ولا إني اسيب منك لغيري .. لحظة منغيري

تفوت

..

يا حب حبيته ف وجودك .. و ف غيابك زاد

#يا_بنت_القلب

حياتي اتلونت بيكي .. بزباداكي عناد

انا غيرتي من حيرتي .. في إني ازاي اراضيكي

معقولة يرضيكي .. بعد اللي بينا يبقا بينا بعد

دا آخر ماييجي ف بالي ان انك ف يوم تسيبيني

مش كنتي لسه بتحلفي

ان انتي عاوزاني .. وكمان انك بقيتي بتعشقيني



أحلى جنان

أمان محسوس
ف عزم الأمان متخان
معاني كثيرة
وبتدي للحياة ألوان
يادوب النظرة ف عنيتها
حياه ف حياه
راحه بتيجي براحه
وتمحي الآه
هدوء مع شوق وحنية
وأحلى جنان

لسه الوجد ثابت
من وقت ما سابت

واختارت الغياب
غابت والضحة غابت
قلبي عمل ثابت
وهو من الحرقه داب
جميلة ف كل شيء
ومهما تغيب معايا
أم القلب البريء
هي وبس وكفاية
هتعيشي قمري مهما
تغيبني عن سمايا
حتى لو البعد طال
عمره ما هيقسيني
لازم بينا وصال
لا انساكي ولا تنسيني
حبك عايش ف قلبي
مهما طالت سنيني
وهي الدنيا دي إيه غير
اكمل بيكي دون تغيير
وكلمة حلوة من قلبك
تنسيني اللي كان قبلك

وانا ف أحضانك الدافية
يا أجمل شعر انا كتبتة
واجمل سر انا كتتمته
وجوة عيوني انا راسمك
وكل حرف من اسمك
بقيت بظبط عليه القافيه
وانا ف احضانك الدافية
وهي الدنيا دي إيه غير
أكمل بيكي دون تغيير
وكلمة حلوة من قلبك
تنسيني اللي كان قبلك
وانا ف أحضانك الدافية

في عز الليل

ليه ف عز الليل تصحى من النوم؟
-من شدة وجعي

أنا بعاني

في إيه تاني

-أنا بس صحيت كدا على ذكرى

وأنا كنت فاكرها خلاص ماتت

كمل يابني .. طب ليه ساكت

رجعت تطاردني ف احلامي

مش عامل راجل وبتحلف

ان انت خلاص ناسي سيرتها

وانك غَيرت مسار قلبك

علشان مايعديش على بيتها

امال ازاي بقا مع غيرها

وانت بتتعذب منغيرها
وبتجيبك حتى ف عز النوم
صدقني يا صاحبي انا فيك مصدوم
- وانا زيك والله و اكثر
مش عارف انطق ولا افكر
بمزاجي انا اختارت فراقها
والوقتي بروحي بلوم روعي
علشان أنا فعلا
مش هقدر

اوعى تفكر ف اللي ف بالي
يا معلم حافظ على شكك
وافتكر انها كانت دايم
بتكون سر لكل مشاكلك
دي لا كات بتحبك
ولا صانت حبك
وانت بنفسك قولت عليها
كانت وهم .. بيتهياك

..
ماتفوق يا صديقي كدا لعقلك
- زي اما تكون كدا ساحرالي

او رابطاتي اكون وياها
دانا ببقاف حضن بيعشقتي
وبلاقي عيونها بتسبقتي
وتاخذني بروحي لذكراها
وحتى لو بعد سنين فاتوا
انا عيني مازالت فاكراها
زي اما تكون كات جنية
لمستتي وبعدين سكنت فيا
زي اما تكون
شيء مش م الكون
واللي انا حاسه
ده شوق للكسره
وللحسره
مش ليها هي
مش فاهم نفسي ومش قادر
انا فعلا كدا .. باجي عليا !!
- مش لاقى كلام تاني اقله
هتضيع عمرك عالفاضي
ومفيش مشكلة عندك .. عادي
هتضيع عمرك على وهم

ولا عمرك يا صديقي تطوله

..

مش عارف .. اللي بتحكيه

انا اسميه ايه ؟

غير انه رواية خيالية

بدايتها هموم

نهايتها هموم

وعشقت ان انت تعيش مظلوم

وعليها بقيت بتنام و تقوم

..

وف عز الليل تصحى من النوم

أقول تاني إيه !؟

اول ماعيني شافتها ف ساعتها
لقتني عشقتها
ياناس دي عيونها يادوب نظرة منها
بدوخ ف وقتها
مشوفتش جمالها ولو غيري قالها ..
بقلبي انا اقولتها
امانة قولولها اني بحلم اطولها
وانول ودها
نسيت اللي شوفته وعشقتة وعرفته
من وقت ماشوفتها
زي الجمال دا مشوفتش أنا
ولا حتى عيني يوم جات عليه
يا صحرا وتاه فيها عقلي

بجمال العيون دي
وقلبي بجمالك جنيتي عليه
دانا لو ف ايدي
اجي لرمشك وابيع عمري ليه
ايه اللي ممكن عشان
بس انولك وانا اضحي بيه
ناديني بعنيكي تلاقيني
ف اديكي ..
واقول تاني ايه ؟؟

اليأس

انا رافض اليأس
ال رافض فرحتي
اللي مضلم سكتي
يأسي ال ناوي يهدني
وكل ماطلع خطوتين
بيشدني
ويهدّ ف قوتي
انا برفض اليأس
ال ف صورة دور زكام
او جنيه ف البنك عام
او فساد في خاص و عام
ف دولة
غرقانة ف زحام

انا رافض اليأس
ال ف حياتي كالكابوس
او عيب ف نفس من النفوس
او ف الفلوس
اليأس ممكن
يبقا صاحب خاب رجيا فيه
كان لابد اني ابيعه
وعاللي بيني وبينه ادوس
واني مبقاش يوم عليه
واسيبه
حتى من غير السلام
انا رافض اليأس
بالفعل كش بس الكلام
برفضك يا ياس ياللي
قاعدلي وفاضيلي تملي
حالف على طموحي
انك لابد تموته
وتؤقله سد ف سكته
مستحيل هتسكته
انا عندي حلم مصدقه

حالف عليه لاهققه
ولو العالم بحاله
اتجمع وشككني ف ذاتي
عادي
هسيب الكون يهاتي
ومهما قاللي
هرفض الكون ال عايشه
زي ما برفضك
يا ياس ياللي
قاعدلي
وفاضيلي
تملي

جهل القلوب

الكلام عمره مايجيب غير كلام
والجهل جهل القلوب
عمره ماكان جهل العلام
وخلص على ولاد الاصول
يلا السلام
من محنه على محنه
ونسينا مين احنا
واتبدلت ملامحنا
منلومش غير روحنا
لما زمانا على كلامنا يدووس
ماهي كلمة ولاد الناس
بقت بتتقاس بالفلوس
واللي معاهم مال

كله عليهم مال
وعلى اديهم ييوس
اصحوا وفوقوا بقا
يا ناس ضعاف النفوس
لا الكفن كانه ف يوم جيب
ولا عمر الموت بيفرق
يا خلق طبعه عجيب
مهما اقول وازيد
ولا حد يوم يسمع
ولا حد هيصدق
انا م الكلام بحزن
هسكت خلاص أحسن



ليلة العمر

ف ليلة العمر و الفرحة
ويوم المفترض إنه
بداية لدُنْيَا الأحلام
دموعها لمست الطرحه

ف نظرتها كلام وكلام
حبيبها عمل لها مفاجأة
ملاحها اتبدلت فجأة
لحزن وضعف واستسلام

يا دُوب العين جت ف العين
وايدها ف ايد واحد غيره
حنينه ليها بعد سنين

مخلي عيونه بيغيروا
يقدم خطوة والثانية
بترجع منه و ف ثانية
لقاها بتبكي .. متحملش
وخاف لاجوده يجرحها
وقرر يمشي .. ميكملش
وشاف نظرتها بتنادي
كأن مفيش ف المكان غيرهم
وكل الدنيا دي ف وادي
قلوبهم رافضة تغييرهم
تعالى ضمنى بسرعه
انا مقدرش اكون غير ليك
حبيبتي الليلة دي فرحك
وانا ماليش ف الحياه بعديك
بعادنا مكانش بادينا
ف دنيا ماشية بالمادة
وداع مرسوم
ف عنينا
غرامنا أو انه
خلاص عدا

عَدَّيْنِي

مسكت ف ايدي وانا ماشي
وقولت اكسب ثواب فيا وعَدَّيْنِي
لقيت نفس الهبوط الحاد
ف دنيا طبعها الإلحاد
وبيا وبالأمل كافرة
وحالفة لا بد تعديني
وقفت ببصلي بحسرة
ومحتار م اللي وصلت إليه
بداري عني انا الكسرة
ومكسوف
من ملامح خوف
بتكسيني
لا عاد فيا أمل وطموح

ومخنوقة ف روعي الروح
ولا قادر اسيبني واروح
ولا عارف
أعدّيني
بدور فيا ع الباقي
ومش لاقى
غير اني "لسه على ديني"
موحد بالاله مؤمن
بان الدنيا دي ابتلاءات
ومهما شوفت مش ممكن
اردف وقت م الأوقات
بغير إني
رضيت وأمنت
ومع إني
على حلمي
بكيت وحزنت
مكمل برضه وبعاقر
هصبر روعي على روعي
واهدّيني
وعمرك يوم يا دنيا

ماهتقدري تهديني
ولو هفضل لآخر عمري
مش عارف
أعديني

بتقولي ليه أسفه

بتقولي ليه
أسفه
وتوهمني ليه ان الشعور بالذنب
عايشاه وبياه حاسه
بتقولي ليه أسفه
عشان بقيتي السبب
ف تعبي ويا مشاكلي
بلاش الاعتذار دا ياريت
قصاد الناس عشان شكلي
دي مش حلوة
إن راجل مننا ف لحظة
يبان مجروح
كرامته تروح

ولو كان حتى من جواه
بيتوجّع
دا عزة نفسه كسرتها
اكثر من فراق روحه
اكيد توجع
ووجعه دا ميفرقش
عن وجع بنت
حبيبها خدعها او باعها
بلاش الكلمة دي احسن
ف ليه نحزن؟
نوفرها
ونرحم قلبي دا المجروح
من كسرتها ووجعها
..
بتقولي ليه
أسفه



أنا عاوزك

انا عارف ان انتي بعيدة
وانك حلم وصعب كمان
لكن الحاجة اللي أكيدة
انا مش هياأس مهما ان كان
انا عاوزك
تكونيلي أميرة احلم بيها
او نجمة .. أسهر لياليها
عاوز وعد
نكون مع بعض
هرسملك جنة
نعيش فيها
انا عاوزك
مش عاوز غير حبة شوق

بيكي هكون اسعد مخلوق
خايف
لاتكوني حلم جميل
وأموت
م الصدمة اما افوق
وانادي عنكي
مالاقيها
انا عاوزك
حبيبي شيء من حبي ليكي
خليني لو نظرة ف عنكي
لو بقيتي
ف لحظة ليا
عمري كله
هدية ليكي
وروحى
وعيني
لو تطلبها
انا عاوزك
ولو انتي فعلا عاوزاني
واتحقق أكبر أحلامي



يبقا خلاص
ضحكتلي الدنيا
وهعيش
بيكي
ملك
ف زماني
انا عاوزك
ومنايا
أخليكي
سعيدة
وانا عارف ان انتي بعيدة
وانك حلم وصعب كمان
لكن الحاجة اللي أكيدة
انا مش هياأس مهما ان كان
انا
عاوزك

محتوى الكتاب

| | |
|----|---------------|
| 2 | بطاقة الكتاب |
| 3 | الإهداء |
| 4 | قبل أول قصيدة |
| 5 | أبوي مات |
| 11 | حياة مدرسة |
| 16 | معلشى مافيش |
| 18 | مين فينا |
| 20 | أنا الكداب |
| 22 | اتعودت |
| 24 | تحضير الجن |
| 26 | الآشية فل |
| 29 | اعتصموا |
| 31 | ماتهيبيش |
| 35 | خلاص يعنى |
| 37 | روحى نامت |
| 39 | أقول تانى إيه |
| 41 | الصراحة |
| 43 | مش هستنى |
| 45 | فايل |
| 48 | بسم الإله |
| 50 | فلان |
| 53 | طلب صداقة |
| 55 | مخاصمنى |

| | | |
|----|-------|-------------------|
| 57 | | إفرد وشك |
| 59 | | غربل صحابك |
| 61 | | مش حلوه |
| 63 | | حبيبتى |
| 67 | | تشبه موت |
| 68 | | هى دى |
| 70 | | آسف |
| 72 | | أنا عاوز أتجوز |
| 74 | | Bent elkab |
| 78 | | أحلى جنان |
| 81 | | فى عز الليل |
| 85 | | أقول تانى إيه |
| 87 | | اليأس |
| 90 | | جهل القلوب |
| 92 | | ليلة العمر |
| 94 | | عدينى |
| 97 | | بتقولى لى آسفه |
| 98 | | أنا عاوزك |